

Сулук



11:17 / 04.02.2022 2236

Дин бизнинг сулукимизда кўриниши лозим. Одамлар диндор ўқитувчи билан диндан узоқ ўқитувчининг фарқига боришлари керак.

Одамлар диндор савдогар билан диндан узоқ савдогарнинг фарқига боришлари керак.

Одамлар диндор эр билан диндан узоқ эрнинг фарқига боришлари керак.

Одамлар диндор аёл билан диндан узоқ бўлган аёлнинг фарқига боришлари керак.

Қилган ҳажимииздан тасбих ва жойнамоз, ҳамда "ҳожи ақа" деган лақабдан ўзга нарсага эга бўлмаслигимиз мусибатдир.

Рўзамииздан фақатгина очлигу-чанқоқлик, ҳамда ажва хурмосининг мерос бўлиши мусибатдир.

Ўқиган намозимиздан фақатгина ётиб-туришни, спорт машқларини мерос олсак, бу мусибатдир. Зеро оғзимииздан «Намоз фахш ва мункар ишлардан қайтаради» ояти тушмайди.

Араб сахросидаги бир тўда чорвадорларни бутун инсониятга етакчи қилган бу дин ҳали-ҳамон олдимизда турибди.

Уларни ўзгартирган жамиятшунослик илми бугун бизни ҳам ўзгартериши мумкин.

Аммо уларнинг биздан бир фарқи бор эди. Улар ўзини Аллоҳга тўлиқ таслим қилган эди. Аллоҳ ҳаром қилган нарсани ҳаром деб ундан тийилишар, Аллоҳ ҳалол деган нарсани ҳалол деб уни қилишар эди. Улар Аллоҳ яхши кўрган нарсани яхши кўришар, Аллоҳ ёмон кўрган нарсани ёмон кўришар эди.

Улар Аллоҳга У истаганидек қуллик қилишди. У амр қилганидек Унинг буйруқларини бажаришди. Натижа ҳам шунга кўра бўлди!

Абдулқодир Полвонов